



Broj: 05/2-50-13-28-41/12
Sarajevo 06.07.2012. godine

ZAPISNIK

41. sjednice Odbora za žalbe građana Parlamentarne skupštine Bosne i Hercegovine, održane 06.07.2012. godine

Četrdesetprvu sjednicu Odbora za žalbe građana Parlamentarne skupštine BiH sazvaio je Mate Miletić – predsjednik.

Sjednici Odbora, u svojstvu članova, prisustvovali su: Danica Berić, Borislav Radić, Hamida Karčić, Marijan Milićević, Ermin Pešto i Amela Bašić, te Aida Kreho – sekretar Odbora za žalbe građana Parlamentarne skupštine Bosne i Hercegovine.

Sjednici su, također, prisustvovali Mugdim Vranac i Rasim Ređo iz Granične policije BiH, Zoran Savić i Mujo Kamenjaš iz Direkcije za koordinaciju policijskih tijela, te Emir Kreho iz Državne agencije za istrage i zaštitu.

Sjednicom je predsjedavao Mate Miletić, a sjednica je počela u 11 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 40. sjednice Odbora za žalbe građana;
2. Informacija o mogućnostima i načinu korištenja sredstava IPA Nacionalnog programa 2010 – Bosna i Hercegovina, *Komponenta VIII – Implementacija reforme policije*;
3. Razmatranje predstavki na rad pripadnika Granične policije BiH, izvjestioci:
 - Mate Miletić (broj: 05/2-50-13-28-40-1/12);
 - Ermin Pešto (broj: 05/2-50-13-28-40-4/12);
 - Amela Bašić (broj: 05/2-50-13-28-37-3/12; 05/2-50-13-28-39-6/12);
 - Hamida Karčić (broj: 05/2-50-13-28-40-3/12);
4. Razmatranje predstavki na rad pripadnika Direkcije za koordinaciju policijskih tijela BiH, izvjestilac:
 - Danica Berić (broj: 05/2-50-13-28-39-3/12);
5. Tekuća pitanja.

Dnevni red jednoglasno je usvojen.

Ad.1. Usvajanje zapisnika sa 40. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 40. sjednice.

Ad.2. Informacija o mogućnostima i načinu korištenja sredstava IPA Nacionalnog programa 2010 – Bosna i Hercegovina, Komponenta VIII – Implementacija reforme policije

Ermin Pešto, imenovan za kontakt osobu ispred Odbora za žalbe građana u Radnoj grupi IPA Nacionalni program 2010 za Bosnu i Hercegovinu – Podrška EU u oblasti provođenja zakona upoznao je predstavnike policijskih agencija sa mogućnostima koje pruža IPA nacionalni program 2010 i, konkretno, Komponenta VIII Nacionalnog programa.

Nakon diskusije i sagledavanja potreba svake od policijskih agencija i Odbora za žalbe građana, te uzimajući u obzir obavezu dostavljanja informacije koordinatoru Komponente VIII Nacionalnog programa, usvojen je sljedeći zaključak:

„Policijske agencije će, do ponedjeljka 09.07.2012. godine, dostaviti Odboru za žalbe građana spisak tehničke opreme neophodne za rad agencija, te prijedloge tema na koje bi trebalo organizirati različita savjetovanja, konsultacije, ili angažirati strane eksperte radi razmjene iskustava“.

Odbor za žalbe građana zadužen je, da po realizaciji obaveze iz Zaključka, objedini podatke za sve policijske agencije i dostavi ih koordinatoru Nacionalnog programa, Komponente VIII.

Ad.3. Razmatranje predstavki na rad pripadnika Granične policije BiH, izvjestioci:

- **Mate Miletić (broj: 05/2-50-13-28-40-1/12);**
- **Ermin Pešto (broj: 05/2-50-13-28-40-4/12);**
- **Amela Bašić (broj: 05/2-50-13-28-37-3/12; 05/2-50-13-28-39-6/12);**
- **Hamida Karčić (broj: 05/2-50-13-28-40-3/12)**

Mate Miletić je, kao izvjestilac po predstavci broj: 05/2-50-13-28-40-1/12, članovima Odbora obrazložio sadržaj predstavke i sadržaj Izvještaja o predstavci koje je dostavila nadležna agencija. Nakon rasprave i nakon što je Rasim Redžo kao predstavnik Granične policije, također, dao sva potrebna pojašnjenja, članovi Odbora jednoglasno su prihvatili Izvještaj GP o predstavci, po kojem je predstavka osnovana.

Ermin Pešto je, članovima Odbora prezentirao sadržaj predstavke broj: 05/2-50-13-28-40-4/12, te Izvještaja nadležne agencije o provedenim preliminarnim provjerama. Nakon rasprave u kojoj su učestvovali svi članovi Odbora i nakon što je predstavnik nadležne agencije dao sva potrebna pojašnjenja, izvještaj o predstavci, koja je ocijenjena kao neosnovana, jednoglasno je prihvaćen.

Amela Bašić određena je za izvjestiteljicu po dvije predstavke i to predstavku broj: 05/2-50-13-28-37-3/12 i predstavku broj: 05/2-50-13-28-39-6/12.

Što se tiče prve predstavke, a imajući u vidu da se radi o predstavci po slučaju koji je već ranije bio predmet rješavanja u Odboru za žalbe građana i Graničnoj policiji BiH, gđa. Bašić predložila je članovima Odbora usvajanje sljedećeg Zaključka: „Podržavaju se radnje navedene u Izvještaju Granične policije BiH i ne mijenja se stanje utvrđeno po prethodnoj predstavci, obzirom na nepostojanje novih okolnosti koje bi eventualno mogle utjecati na ranije utvrđeno“. Zaključak je jednoglasno usvojen.

Po predstavi broj: 05/2-50-13-28-39-6/12, izvjestiteljica je prezentirala članovima Odbora sadržaj predstavke i sadržaj Izvještaja Granične policije BiH. Nakon rasprave, u kojoj su sudjelovali svi članovi Odbora i predstavnici nadležne agencije, članovi Odbora su odlučili da je u skladu sa postojećim okolnostima žalba neosnovana, te usvojili Izvještaj o izvršenim preliminarnim provjerama.

Hamida Karčić je određena kao izvjestilac za predstavku broj: 05/2-50-13-28-40-3/12. Gđa. Karčić je upoznala članove Odbora sa sadržajem predstavke te Izvještajem o izvršenom internom postupku, koji su dostavljeni od Granične policije BiH. Zaključeno je da je predmet obrađen detaljno, te da je utvrđeno da navodi iz predstavke nisu osnovani. Nakon toga, članovi Odbora su *jednoglasno prihvatili Izvještaj o predstavi*, kojim se predstavka ocijenila kao neosnovana.

Ad.4. Razmatranje predstavki na rad pripadnika Direkcije za koordinaciju policijskih tijela BiH, izvjestilac:

- **Danica Berić (broj: 05/2-50-13-28-39-3/12)**

Danica Berić je, ukratko, upoznala članove Odbora sa sadržajem predstavke na rad pripadnika Direkcije za koordinaciju policijskih tijela i radnjama koje je nadležna agencija poduzela postupajući po predstavi. Predstavnik agencije je, također, pružio dodatna pojašnjenja i upoznao članove Odbora sa rezultatima provedene istrage.

Odbor za žalbe građana je, jednoglasno, usvojio Izvještaj Direkcije za koordinaciju policijskih tijela, po kojem predstavka nije osnovana.

Ad.5. Tekuća pitanja

Rasprava o ovoj tački Dnevnog reda nije vođena.

Sjednica Odbora za žalbe građana završena je u 13:00 sati.

Sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić